

SHOHSANAMNING ERTAKLARI

Shohsanamning ertaklari!

U qanaqa ertak, dersi? Ular o'zimizga xos, o'zimizga mos ertaklar. Ular yozilmagan, oddiy qog'ozdan, loydan yasalgan. Mo'jiza yaratilgan.

Bolalar ularni ko'rib zavqlanishdi:

– Mana bu qo'g'irchoqni qaranglar, juda chiroyli! Ko'ylagini qarang. Do'ppisi o'ziga juda yarashibdi.

Taqinchoqlari ham chiroyli ekan. Buni kim yasagan ekan-a?!

– Buni qo'qonlik Shohsanam opangiz yasagan.

– Bular ertak qahramonlari shekilli? Bunisi Zumrad, bunisi Oygul, bunisi Barchinoy!

– Ularga qarab zo'r ertaklar to'qisa bo'ladi.

– Ha, to'g'ri aytasiz, zo'r ertaklar to'qisa

bo'ladi, ammo Shohsanam opangiz o'sha ertaklarni allaqachon to'qib qo'rgan.

Siz endi, qaysi Shohsanam opa haqida gap ketyapti, deb o'ylarsiz, aziz muxlislar?! Shohsanam Xudoyberdiyeva Qo'qon shahridan. 1993-yilda Qo'qon Davlat pedagogika institutining tarbiyaviy ishlar metodikasi fakultetini tugatgan. Shundan buyon u bolalar dunyosining shaydosi. Hozirda sizlarning ertangizni o'ylab, o'zi milliy qo'g'irchoqlar yaratish ustida ish olib boryapti. Shu kungacha bir qancha ko'rik-tanlovlarda ishtirok etib, sovrindor ham bo'ldi, iliq gaplar eshitdi.

Davomi 3-betda

«QIZ TALASHGAN O'SMIRLAR»

Aziz bolalar!

Sevimli adibimiz Xudoyberdi To'xtaboyev «Qiz talashgan o'smirlar» nomli yangi asarini yozib tugatdi. Ko'p ming sonli muxlislarimiz nomidan u kishini yangi asar bilan qutlaymiz.

Xo'sh, asarda qanday mavzu qalamga olingan? Adib bilan telefon orqali bog'lanib, shu to'g'rida so'radik:

Siz uchun yangi asar!



– Bugungi qishloq bolalari hayoti ushbu asarni yozishimga turki bo'ldi, – dedi adibimiz. – Asarda do'stlik, mehr-oqibat, bolalarning izlanishlari qiziqarli hikoya qilingan. Shuningdek, asardan turli rivoyat, ertaklar ham o'rin olgan. Umid qilamizki, ushbu asar ham sizlarga albatta manzur bo'ladi.

BIZLAR YOZGI


Dazhaqiqat, yozning issiq kunlarida soya-salqin go'shalarda, so'lim ozomgohlarda dam olishga ne yetsin?! Juztimizning eng xushmanzara viloyatlarimizda bizi Jizzaxda ham bunday so'lim maskanlar talaygina. Shahardan tashqarida joylashgan 16 ta ozomgohda 3810 nafar, 37 ta kunduzgi ozomgohda 4200 nafar o'g'il-qiz mazoqli hozdiq chiqarishmoqda. Maktablaz qoshidagi to'garaklariga 4590 nafar bola jonlar jalb qilingan.

Shuningdek, bolalar va o'smirlarning 33433 nafari sport maktablariga, 33116 nafari turistik sayohat va ekskursiyalarga jalb etildi.

G'allaorol tumanidagi 20-maktab qoshida tashkil qilingan oliy toifali pedagog Salima Risulova rahbarligidagi «Nihob», 26-maktabning oliy toifali o'qituvchisi Zarbuvi Raimova boshchiligidagi «Shalola» nomli sog'lomlashtirish ozomgohlarining har birida 125 nafardan

o'g'il-qiz yoz gashtini surishyapti.

Tumanning Qashqabuloq qishlog'ida joylashgan «Kamolot» bolalar sog'lomlashtirish ozomgohida dam olayotgan 250 nafar bolajonlarning har bir kuni salqin va bahavo go'shalarga sayohatlar uyushtirish, turli tadbirlar va sport musobaqalari tashkil qilish bilan, qo'ying-chi, maroqli va mazmunli o'tyapti.



Suratlarda: «Kamolot» sog'lomlashtirish ozomgohi hayotidan lavhalar

TA'TILDA...

Sangzor daryosi sohilida joylashgan bu ozomgoh shunchalar so'limki, qalin dov-daraxtlar, archazorlar bilan burkangan ozomgohga tangadek ham quyosh nuri tushmaydi. Ozomgohdagi «Kamalot», «Lochin», «Shalola» guruhlarining devoriy gazetaları, bolajonlarning rang-barang rasmlari, «Mohir qo'llar» to'garagi a'zolari yasagan o'yinchoqlar va nafis naqshlarni ko'rib, hayratingiz oshadi. Tarbiyachilar Gavhar Rahmatullayeva, Gulnora Muxtorova, sport murabbiyi Hamza Mirisov, musiqa rahbari Otaboy Ahmedov bolajonlarning maroqli dam olishlari uchun bor bilim va mahoratlarini ayamaydilar.

«Kamolot»da miriqib dam olayotgan bolajonlarga havas qilsa arziydi.

Abdulla SAIDOV,
Jizzax viloyati



Bo'stonliq tumani-dagi Xondayliq qishlog'ida joylashgan «Nilufar» bolalar sog'lomlashtirish ozomgohi ham har yilgidek dam oluvchilar bilan gavjum. Tog'bag'rida joylashgan so'lim ozomgohda miriqib hozdiq chiqarayotgan bolalarning otanalari farzandlari chehrasidagi quvonchdan mamnunlar.

«NILUFAR»DA BO'LGANMISIZ?

– Yurtimizning eng so'lim go'shalaridan birida joylashgan ozomgohimizda har yili to'qqiz yuzdan ziyod o'g'il-qiz dam oladi, – deydi ozomgoh direktori Nozimaxon Roziqova. – Ularning ko'ngilli hozdiq chiqarishlari uchun barcha sharoitlar yaratilgan. Mehribon tarbiyachi va yetakchilar bolajonlar atrofida parvona. Har bir bola tibbiyot xodimlari nazoratida. Shaxmat-shashka, yugurish, stol tennisi, basketbol, voleybol, futbol, suzish to'garaklari dam oluvchilar bilan gavjum. Mingdan ziyod badiiy kitoblar joy olgan «Ma'naviyat va ma'rifat» markazi kitobxon o'g'il-

qizlarning eng sevimli maskaniga aylangan.

Jismoniy tarbiya murabbiyi Rashid Tursunov, katta yetakchi Shohida Izbosarova boshchiligidagi «Yulduzlar yog'dusi», «Xushmuomalalik kuni», «Quvnoq ekspress», «Moychechak», «Oromgoh spartakiadasi» kabi tadbir va sport musobaqalaridan so'ng ozomgoh bog'ida yetilgan mevalardan tayyorlangan sharbatni ichish biram maroqli-ki! Qisqasi, bu maskanda zerikishga aslo o'rin yo'q. So'zimizga shubha qilsangiz, «Nilufar»ga bir keling!

Cho'lponoy MAHMUDALI qizi



«MAFTUNKOR RANGLAR JILOSI»

Navoiy shahridagi «Kimyogar» mahalla fuqarolar yig'inida imkoniyati cheklangan bolajonlar o'rtasida shunday nomdagi rasmlar ko'rik-tanlovi bo'lib o'tdi.


Mahallada yashaydigan 25 nafar nogiron bolalar ishtirokidagi mahalla fuqarolar yig'ini raisi P.Adizov ochib bergan tanlov juda qiziqarli o'tdi. Bolajonlar tabiat manzaralarini, yil fasllarini, sumalak saylini, jonivorlar-u qanotli do'stlari rasmlarini chizishdi.

Tadbir so'nggida bolajonlar chizgan rasmlar hakamlar hay'ati tomonidan baholaniib, 1-o'rin Munisa Nosirovaga, 2-o'rin Shavkat Samandarovga, 3-o'rin Jamshid Xayrullayevga nasib etdi. Barcha qatnashchilar qimmatbaho sovg'alar hamda dasturxonlarimiz ko'rki deya ta'riflanadigan palov bilan siylandilar.

Nafisa SHERNAYEVA,

«Kimyogar» mahalla fuqarolar yig'ini maslahatchisi

Tahririyatimizga bir ertakchi xola kelib: «Bolalarga bir ertagim bor, aytib bersam maylimi?» dedilar. Rozi bo'ldik. Bu o'zimiz yoqtirgan «Olmos Botir» ertagi ekan. Lekin ertakchi xola uni lo'nda, sodda, ixcham va to'ldirilgan shaklda aytgani bizga yoqdi. Siz ham o'qib ko'ring:



(O'zbek xalq ertagi)

Chol bilan kampir qarigan chog'larida bir o'g'il ko'ribdilar. U kundan-kun o'sib, Alpomishdek yigit bo'libdi. Uning so'zi ham, qilichi ham, ko'zi va aqli ham o'tkir ekan. G'animging so'zini, yomonning nafratini olmosdek kesar ekan. Shuning uchun unga Olmos Botir degan sharaflisi beribdilar.

Mamlakat podshohi uning ta'rifini eshitib, yurt himoyachilari safiga olibdi. Saroyda Olmos Botir obro'e'tibor topib, qo'mondon darajasiga ko'tarilibdi. Bu esa vazirga yoqmadib. Vazirning bir o'g'li bo'lib, podshoh qizini unga olib bermoqchi bo'lib yurarkan. Shu bois ham u Olmos Botirni yo'qotish payida pinhona reja tuza boshlabdi.

SAMARQANDLIK LARGA ERGASHING!

Samarqand viloyati hokimligi, o'rta maxsus kasb-hunar ta'limi boshqartmasi hamda «Kamolot» YO'PQ viloyat bo'limi bilan hamkorlikda o'tkazilgan «Barkamol avlod: alkogolsiz, tamakisiz hayot» nomli tadbir samarqandlik yoshlar hayotida unutilmas iz qoldirdi. Unda tamaki va spirtli ichimliklarning inson salomatligi uchun naqadar xavfli ekanligi yozgin misollar orqali namoyish etildi.

Registon maydonidan start olgan uch mingdan ziyod marafonchilar universitet xiyobonigacha bo'lgan masofani hech qiyinchiliksiz bosib o'tib, tengdoshlariga namuna bo'ldilar.


Oliyoh xiyobonidagi rasm-plakatlar ko'rgazmasi hech kimni befarq qoldirmadi.

Viloyatdagi 170 ta o'rta maxsus, kasb-hunar ta'limi muassasalarining mingdan ziyod o'quvchi-yoshlari tomonidan sog'lom turmush tarzini targ'ib etuvchi, giyohvandlik, ichish va chekishga qarshi kurash, uning salbiy oqibatlarini aks ettirilgan ijodiy ishlar yoshlar qalbidagi bunday salbiy illatlarga nisbatan nafrat tuyg'ularini uyg'otdi. Anjuman davomidagi sport musobaqalari tadbiriga o'z gacha zavq bag'ishladi.

«Mo'jiza» amfiteatrda «Ichmasdan, chekmasdan yoshlik gashtini suraylik!» shiori ostida yakuniy konsert dasturi namoyish etildi.

Bu tadbirda ishtirok etgan minglab yoshlar ertaga aka-ukalari, do'stlarini ham yomon illatlarga qarshi kurashga boshlasalar, ne ajab?! Samarqandliklar boshlab bergan ezgu ishga siz ham ergashing!

Yusuf ABDULLAYEV



BOTQOQLIK BOLA

Buyuk Britaniyada eng yaxshi bolalar adabiyotiga beriladigan Karnegi mukofoti egasi aniqlandi. Unga bundan ikki yil avval vafot etgan yozuvchi Shivan Daud qalamiga mansub «Botqoqlik bola» asari loyiq deb topildi.


Bu yil Karnegi medali 72-marta topshirildi. Uning laureatlari orasida Terri Pratchett, Filip Pulman va Klayv Steyps Lyuis singari taniqli ijodkorlar ham bor.

MOZIYDAN QOLGAN BELGILAR

Spaniyada bundan olti million yil ilgari yashagan tuya izlari topildi. 10-15 turdagi jonivorlarga mansub 191 ta izni topishga muvaffaq bo'lgan tadqiqotchilar ushbu izlar Pireney yarim orolining janubiy-sharqiy qismidagi Mursiya hududidan topilganini ma'lum qilganlar. Tahlil natijalariga ko'ra, moziydan qolgan izlar hozirgi tuyalarnikiga o'xshashi aniqlandi. Olimlar bugungi ko'rinishdagi «sah-ro kemalari» Shimoliy Amerikada taxminan 25-30 million yil avval paydo bo'lgan, deya ma'lumot bermoqdalar.



SALOMATLIK UCHUN XAVFLI?!



AQSHda oziq-ovqat mahsulotlari sifatini nazorat qiluvchi mutaxassislar gigiyenik jihatdan sog'liq uchun zararli bo'lgan mahsulotlar ro'yxatini e'lon qilishdi. Ro'yxatda tuxum, shaftoli, qovun kabi mahsulot nomlari berilganligi ko'pchilikni taajjublantirdi.

Mutaxassislarning fikriga ko'ra, tuxum bilan zaharlanish kam kuzatiladigan hodisa bo'lsa-da, shunga qaramay, har yili tuxum qobig'idagi bakteriyalardan 660.000 kishi xastalanmoqda.

Ro'yxatning ikkinchi o'rnini shaftoli band etgan. Shaftoli do'kon peshtaxtalarida uzoq muddat yaxshi saqlanishi uchun turli kimyoviy moddalar bilan to'yintirilgan ekan.

Shuningdek, maxsus qadoqlarda saqlanadigan salat mahsulotlari ham o'zida turli bakteriyalarni tashiydi, deyiladi tadqiqotda.

Eksptlar qovun po'chog'ida insondan-insonga yuquvchi «Salmonella», «Shigella» kabi bakteriyalar mavjudligini bildirishgan. Buning oldini olish uchun qovunni tilimlashdan avval uni sovun bilan iliq suvda yaxshilab yuvish tavsiya etiladi. Bu maslahat boshqa mahsulotlar uchun ham qo'l keladi.


Tekshiruv xulosalariga ko'ra, oziq-ovqat mahsulotlaridan zaharlanish holatlari, asosan, ularni yaxshi yuvmasdan iste'mol qilish oqibatida sodir bo'lishi aniqlangan. Shuning uchun yeguliklarni iste'mol qilishdan oldin ularni tozalab yuvish tavsiya qilinadi.



Umida HAKIMOVA,
Bank kolleji o'qituvchisi

Boshi 1-belda

Kuni kecha azim poytaxtimizning go'zal va so'lim G'afur G'ulom nomidagi madaniyat va istirohat bog'ida bo'lib o'tgan an'anaviy «Qo'g'irchoqbozlik san'ati bayrami»da ishtirok etib, yig'ilganlar diqqatini yana o'ziga tortdi.



–Yurtimning bir fuqarosi sifatida qo'limdan kelganicha jaji bolajonlarimizga milliy qo'g'irchoqlar hadya etishga bor iqtidorim va kuchimni sarf etyapman, – deydi u. – Qo'g'irchoq yaratish g'oyat murakkab va qiyin ish. Ular bola sog'lig'iga ziyon yetkazmaydigan, tabiatan sof xomashyolardan yaratilishi, o'g'il-qizlar qalbida o'z yurtiga, milliy an'analari va qadriyatlariga mehr-muhabbat tuyg'ularini uyg'otadigan darajada bo'lishi kerak.

Yurtni qadrlash, e'zozlash, uni gullab-yashnatish xuddi shu tuyg'ulardan boshlanadi. Bayramda ishtirok etganlar masalaning ana shu jihatiga e'tibor qaratdilar.

Bayramda mamlakatimizda, xususan, Qoraqalpog'iston Respublikasi, Toshkent shahri va viloyatlarida faoliyat ko'rsatayotgan havaskor qo'g'irchoqboz ustalar ham ishtirok etib, o'z mahsulotlarini namoyish etdilar. Bu to'g'rida gazetamizning keyingi sonlarida tanishib borasiz.

Yana nima bo'ldi, deng'!

Tengdoshlaringiz shu kuni turli vazirlik va tashkilot rahbarlari, yozuvchi, shoirlar bilan uchrashdilar. Respublika qo'g'irchoq teatri artistlari ularga bir nechta sahna ko'rinishlarini namoyish etdilar. O'yin-kulg'i zo'r bo'ldi. Kichikintoylarning zavqini ko'rib, ularga havas qildik.

Siz ham o'z qo'g'irchoq'ingizni yaratishni va ko'rik-tanlovlarda ishtirok etishni xohlaysizmi?

Unda gazetamizning 2009-yil 6-iyul sonida e'lon qilingan «Qo'g'irchoq'im – ovunchog'im» ko'rik-tanlovi to'g'risidagi xabarimiz bilan yana bir karra tanishib chiqing!

Tanlov shartlari quyidagilardan iborat:

1. Bolalarning qo'lida bo'lgan mahalliy xom-ashyo (loy, qog'oz, yog'och, somon, mato va boshqa)lardan milliy ertaklarimiz qahramonlarini yaratish;
2. «Qo'g'irchoqlar malikasi» degan nomga munosib qo'g'irchoq timsolini yaratish;
3. Maktabi, mahallasi qoshida «O'yinchoqlar ustaxonasi»ni ochish;
4. Yaratgan o'yinchoqlarining bir nusxasini tahririyatga yuborish.

Ko'p sonli o'quvchilar iltimosiga binoan tanlovimizni yana davom ettirishga va shu yil oxirida yakunlashga qaror qildik.

Xatlaringizni kutib qolamiz.

Bu orada podshohning ko'zi xiralashib qolibdi. Qulay payt kelganini anglagan vazir: «Podshohim, Quyiyoq degan tog'da yalmog'iz kampirning bulbuligo'yo degan qushi bor, shuni olib kelsak, ko'zingiz ravshan tortadi», debdi. Podshoh bunday mushkul ishni kim bajara olishi haqida so'ragan ekan: «Bu ishni faqat Olmos Botir uddalay oladi!» debdi. Shunday qilib, podshoh uni safarga jo'natibdi.

Safarga jo'nash oldidan ota-onasini ziyorat qilibdi va: «Qirg' kunda qaytmasam, saroyga boringlar!» deya tayinlabdi.

Olmos Botir yo'l yuribdi, yo'l yursa ham mo'l yuribdi, tog'-u toshlardan, cho'l-u biyobonlardan o'tibdi va bir kecha katta g'orda tunamoqchi bo'libdi. G'orga kirs, ichlari yop-yorug' bo'lib, to'rda ulkan bir kampir o'tirgan ekan. Darhol odob bilan tavozе qilib, unga salom beribdi. Kampir: «Saloming bo'lmaganda, bir yamlab yutardim! Aqlli yigit ekansan, kel, mehmonim bo'!» debdi va unga o'sha kecha joy beribdi. Qayoqqa borayotganini so'ragan ekan, Olmos Botir maqsadini aytibdi. Kampir o'ylanib turib: «U yer borsa kelmas degan joy, g'animlaring seni o'limga yo'llabdi», debdi.

Olmos Botir qo'lini ko'ksiga qo'yib: «Nima maslahat berasiz, onajon?» debdi. Uning «Onajon!» degani kampirga juda yoqibdi. Chunki yetti dev onasi bo'lgan bu kampirni shu paytgacha biror inson bolasi bunchalik izzat qilgan emas ekan. Xursand bo'lgan kampir unga qimmatli maslahatlar beribdi va qo'lga bir hovuch bug'doy, igna, taroq va oyna tutqazib, qachon nima qilishni, qanday yo'l tutishni tushuntiribdi.

Ertalab kampir yetti o'g'luga Olmos Botirni Quyiyoq tog'iga eltib qo'yishni tayinlabdi.

Ular bir zumdа ko'zlangan manzilga yetib kelishibdi. Yetti dev uni qoldirib, o'zlari ortga qaytibdi.

Olmos Botir Quyiyoq tog'idagi katta boqqa kirib, etagini yozib, unga don sepibdi. Birozdan so'ng bulbuligo'yo kelib, etakka qo'nib, donni yeya boshlabdi.

Olmos Botir qushni etagiga o'rab, ura qochibdi. Yalmog'iz kampir buni sezib qolib, uni quvibdi. Yetdim deganda, Olmos Botir ignani tashlagan ekan, changalzor paydo bo'lib, yalmog'iz kampir undan ortda qolib ketibdi. Changalzordan o'tib, yana quva boshlagan ekan, taroq tashlabdi. Katta o'rmon paydo bo'libdi. Yalmog'iz kampir o'rmondan o'tguncha, Olmos Botir ancha joyga

borib olibdi. Yana yetdim deganda, oynani tashlagan ekan, katta va keng ko'l hosil bo'lib, yalmog'iz kampir narigi qirg'oqqa qolib ketibdi. «Undan qanday o'tding, yigitcha?» deb so'ragan ekan. Olmos Botir: «Belimga tosh bog'lab o'tdim!» debdi. Yalmog'iz kampir beliga arqon o'rab, unga toshlar osib, o'zini ko'lga tashlabdi va shu zahoti cho'kib ketibdi.

Olmos Botir yordami uchun devlar onasiga rahmat aytib, saroyga yo'l olibdi. Bu qirg' birinchi kun ekan. Ota-onasi saroyga borib, o'g'lini surishtirsa, vazir kulib: «Endi o'g'illaring bilan narigi dunyoda ko'rishasizlar!» debdi. Ana shu paytda qanotli otida gurros shamol bilan Olmos Botir yetib kelibdi. Bulbuligo'yoni qafasga solib, podshohning yoniga qo'yibdi. Qush xonish qilgan ekan, ko'zlari charaqlab ochilibdi. Bundan xursand bo'lgan podshoh Olmos Botirni vazir etib tayinlab, qizini unga nikohlab beribdi.

Vazirning kirdikorlari elga ayon bo'lib, saroydan quvilibdi.

Xalq qirg' kecha-yu kunduz bazm qilib, Olmos Botirga va uning go'zal yoriga baxt-u saodat tilabdi.

Barcha bilim maskanlarida so'nggi qo'ng'iroq sadolari yangragan kunlarda o'quvchilar bilan gavjum sinf xonalari, maktab hovlisi, yo'laklar huvillab qolgandek edi.

Lekin shu kunlarda Mirobod tumanidagi 154-maktab quchog'i o'quvchilar bilan yana gavjumlashdi. Ular ijod, intilish, izlanish payida.

«NURAFSHON»GA MAVZU NAQD, – deydi maktab direktori Mukarram MIRHUSANOVA

davomida erishgan yutuqlarimiz va kamchiliklarimiz sarhisob qilindi. Biz o'quv yili davomida maktab gazetasini o'zimizning yaqin do'stimiz deb bildik. Unda bir-biridan mazmunli maqolalar yoritildi, tarixiy voqea hodisalarga

oid ma'lumotlar e'lon qilindi. Ilg'or o'quvchi va o'qituvchilarni mahalla ahliga, faxriy ustozlarga tanishtirdik. Maktabimiz yonida istiqomat qiluvchi aholidan uning qurilish tarixini ham bilib oldik va gazetamizda yoritdik. Bilim

dargohimizning 1967-yilda emas, 1930-31-yillarda ishga tushirilgan haqida ma'lumot berdik.

80 yoshli maktabimiz ma'naviyatimizning ilk namoyondasi Abdurauf Fitrat nomli mahallada joylashgan. Endilikda mahalla faxriylarining pand-u nasihatlarini, ertak va rivoyatlarini mahallamiz bolalari orasida keng targ'ib qilishni rejalashtirdik. Yozgi ta'til davrida o'quvchilarga o'zi istiqomat qilayotgan mahalla tarixini o'rgatish, faxriylar bilan faxrlanish tuyg'ularini shakllantirishga bel bog'ladik. Ishonamanki, yozgi ta'til bolajonlarimizni bilimli, salohiyatini yanada charxlaydi. Bu davr mobaynida ular ko'plab kitoblar, gazeta-jurnallar o'qishadi, «Nurafshon»imizning mavzularini boyitishadi.



– Kuni kecha maktabimiz faxriga aylangan «Nurafshon» gazetasining joriy yildagi oxirgi soni bosmadan chiqdi. Unda yil

Bugungi kunda «Vatan, do'stlik va xalqparvarlik» shiori ostida respublikamizdagi 10 yoshdan 14 yoshgacha bo'lgan 2,5 milliondan ziyod bolalar va o'smirlarni birlashtirgan «Kamalak» bolalar tashkiloti «Oltin meros», «Ma'naviyat-ma'rifat», «Ekosan», «Umid», «Vatanparvar», «Mehr-shafqat», «Sog'lom avlod uchun» yo'nalishlarida faoliyat olib bormoqda.

Qashqadaryo viloyati, Shahrisabz tumanidagi «Lochin» oromgohida Respublika «Kamalak» bolalar tashkilotining navbatdagi IX anjumani bo'lib o'tdi. «Kamalak» bolalar tashkiloti tashkil topganligining 9 yilligiga bag'ishlangan anjuman ishtirokchilarga ko'tarinki kayfiyat bag'ishladi. Unda 400 nafar delegatlar qatnashdilar.



SHAHNOZA QO'LIGA QALAM OLGANDA...

Shahnoza qo'lga qalam olib, musaffo osmonni, turfa gul chechaklarini-yu qushlarning rasmini chiza boshlaganida uch-to'rt yoshda edi...

Onasi Zuhra opa uning chizgan rasmlarini ko'zdan kechirar ekan, xayolan qizi bilan birga go'zallik olamiga sayohat qilar, uni maqtat qo'yishni kanda qilmasdi. Shahnoza esa onasining so'zlaridan yanada ilhomlanib, bo'sh vaqt topdi deguncha rasm chizardi.



2007-yilda Shahnoza Karimjonova Toshkent shahar, Chilonzor tumanidagi 182-maktabning 1-sinfiga qadam qo'ydi. Maktabda a'lo baholarga o'qish bilan birga, rasm chizishni ham davom ettirdi. Undagi bu qobiliyatni sezgan «Ilhom» tasviriy san'at to'garagi rahbari Svetlana Laskovaya ota-onasiga: «Qizingizda rasm chizishga qobiliyat bor, to'garakka qatnasin, unga rasm chizish sirlarini o'rgataman», dedi. Ustozi adashmagan edi. Shahnoza chizgan rasmlari bilan turli ko'rik-tanlovlarda muvaffaqiyatli qatnasha boshladi.

Jumladan, maktab miqyosida o'tkazilgan «Kim bo'lmoqchiman?» tanlovida «Men rassom bo'lmoqchiman!», deb nomlangan rasmi bilan ishtirok etib, faxrli 1-o'rinni egalladi. Turnalarni xalqaro himoya qilish fondi (Mejdunarodniy fond oxrani juravley MFOJ) tomonidan tashkil qilingan «Uching, turnalar!» tanlovida «Parvozga shaylangan turna» nomli rasmi bilan, «Bioxilma-xillik bolalar nigohiga» mavzusida o'tkazilgan «Ekoforum – 2010» ko'rik-tanlovda «Biz tabiatni asraymiz» nomli rasmi bilan qatnashib, faxrli o'rinlarni egalladi va «Maqto'v yorlig'i» bilan taqdirlandi.

Anjuman doirasida respublika Sardorlar Kengashi tomonidan o'tgan yil davomida amalga oshirilgan ishlar tahlil qilindi. Shuningdek, mahalliy va hududiy «Kamalak» bolalar tashkilotlarida yangi saylangan sardorlar uchun master-klasslar, seminar-treninglar tashkil etildi. Anjuman doirasida bolalar tashkiloti raislari uchun boshqaruv mahorati, boshqaruv jarayonlarida vaqtni rejalashtirish kabi mavzularda malaka oshirish o'quv-kurslari tashkil etildi.

«Quvnoq mahalla», «Kamalak», «Ekspress», «Quvnoq futbol», «So'nggi qo'ng'iroq» singari qiziqarli o'yinlar, madaniy dasturlar zavqi bolalar yodida uzoq saqlanib qolishi shubhasiz.

Sitora RAHMATOVA



Shahnozaning qalbi go'zallikka oshufta. Uning ona zamin tabiatini asrab-avaylashga bag'ishlagan rasmlari tengdoshlarida ekologik madaniyatning shakllanishida xizmat qilishga, nufuzli tanlovlarda ko'plab muvaffaqiyatlarga erishishiga umid qilamiz.

OLMOS,
Nodira NAZAROVA

Italiya ertagi

OLTI AKA-UKA

Bir o'taning olti o'g'li bor ekan. Beshtasi atmoq, oltinchisi g'irtentak. Hattai ularni juda yaxshi ko'rarkan. Bir kuni o'g'illariga shunday debdi:

– Shaharga borib, o'zlaringga yoqqan narsani sotib olinglar.

Og'aynilar shaharga tushib do'konga kirishibdi. Uni-buni xarid qilishibdi. Besh aka-uka qo'ndocsiz miltiq sotib olibdi, oltinchi miltiqda hatto qo'ndoc ham yo'q ekan. Miltiqlarni yelkaga ortib, uyga qaytibdilar.

Bir payt allaqayoqdan oltita quyon paydo bo'lib, ular tomonga yugurib qolibdi. Beshta quyonning quloqlari dikkaygan, bittasini esa osilib turganmish. Og'a-inilarni ko'rgach, beshta quyon qochib qolibdi, oxirgisi juftakni rostlabdi.

Aka-ukalar miltiqlarini yelkadan olib, nishonga to'g'irlashibdi. Beshtasi ko'zini qisib olsa, oltinchisi yumib olganmish. Hammalari birvarakayiga o'q uzishibdi. Beshtasi xato otsa, oltinchisi nishonga tekkizolmabdi.

Keyin birodarlar quyonlarni quva ketibdilar. Beshtasini ushlabdi, oltinchisini esa tutib olishibdi. Mana buni o'mad deyidilar!

Uyga ham yetib kelishibdi. Quyonlarni angishvonaga solib pishirishga qaror qilibdilar. Beshta quyon angishvonaga sig'mabdi-yu, oltinchisi joylashmabdi.

Shunda otalari aytibdi:

– Qo'shnilarga chiqib, oltita dekcha olib kelinglar. Hamma quyonlarni birdaniga qaynatib olasiz.

Olti aka-uka qo'shnilarnikiga chiqishibdi. Besh qo'shni xasis, oltinchisi qurumsoq ekan. Nachora, qo'shnilar ularga oltita tovoq berishibdi. Beshtasi tagsiz, oltinchisining osti yo'q ekan.

Aka-ukalar tovoqlarni uyga olib kelib, quyonlarni qaynatgani qo'yishibdi. Beshtasining tagiga olov yoqishni unutishibdi, oltinchisiga o't yoqishmabdi.

Quyonlar qaynayveribdi-qaynayveribdi. Beshtasi pishmabdi, oltinchisi esa xomligicha qolib ketibdi. Og'aynilar tushlikka o'tirishibdi. Beshtasi go'shtni chaynay olmabdi, bittasi esa hech tishlashni epolmabdi. Aka-ukalar go'shtni otalariga ilinibdilar. Otalari beshta quyonni yeb qo'yibdi, qolganini yamlamay yutibdi. Voy, yegan go'shti tiqilib qolibdi!

Oltovlon borib, oltita tabibni olib kelishibdi. Beshta tabib ilmsiz ekan. Ular cholni ko'rikdan o'tkazgach, bahslashib qolishibdi. Beshtasi uni kasal desa, oxirgi tabib cholni betob deb turib olibdi.

Voqea qanday yakun topdi, deysizmi?! Hozircha noma'lum. Tabiblar hali ham janjallashib yotishganmish. Avval bir qarorga kelib olishsin, ertakning davomini keyin yozib beraman.

Rus tilidan
Anvar ABDULLA tarjimasini

Navbatchi bo'lgani uchun sinfga birinchi bo'lib kirib kelgan Shohista polda sochilib yotgan shisha siniqlarini ko'rib, hayron qoldi.

Qarasa, deraza oynasi singan ekan. Shosha-pisha shisha siniqlarini yig'ishtirishga kirishdi. Shu payt eshik ochilib, sinfdoshlari Ma'ruf va Sanjar kirib kelishdi.

– Bolalar, iltimos, yordamlashib yuboringlar, men navbatchiman. Halizamon dars boshlanib qoladi.

Shunda Ma'ruf:

– Nega endi biz, o'zing sindirdingmi, o'zing yig'ishtirib ol, – deya ters burilib oldi.

– Men sindirdim, kelsam, o'zi sinib yotgan ekan, – dedi Shohista o'zini oqlamoqchi bo'lib.

– Ma'rufning gapi to'g'ri. Sen birinchi keldingmi,

demak, derazani ham sen sindirgansan, – dedi Sanjar ham do'stining gapini ma'qullab va partasiga o'tirib, pap-



DILOZOR SO'ZLAR

kasini titkilay boshladi.

Sinfdoshlarining tuhmatiga chidolmagan Shohista birdan yig'lab yubordi.

Shu payt sinfga kirib kelgan Nodira opa, nima gap, degandek Ma'rufga yuzlandi.

– Ustoz, Shohista derazani sindirib qo'yib, qo'rqanidan yig'layapti, – deya Ma'rufning o'rniga javob qaytardi Sanjar.

– Shohista emas, kechagi shamolda singan. Ertalab barvaqt sinfga kirgan edim, deraza yaxshi yopilgan ekan. Qizim, sen xafa bo'lmagin, bor, yuzlaringni yuvib kel, – dedi ustoz Shohistaga yuzlanib.

Shohistaning ohistagina o'rnidan turib, piqillaganicha tashqariga yo'l olayotganini ko'rib, ikki «azamat» o'z qilmishlaridan afsuslanib qolishdi.

Shahlo IMOMOVA,

Respublika musiqa va san'atga ixtisoslashtirilgan maktab-internet o'quvchisi

TOPISHMOQLAR



Tog'dan tashlasam sinmadi,
Suvga tashladim sindi.

Nimaning besh barmog'i bor-u,
Lekin birorta ham tirnog'i yo'q.



Og'zi popuk,
Og'zi ko'pik.
O'zi o'qmoq,
Oyog'i paypoq.

To'rt oyoqli,
Temir tuyoqli.

Maqsuda MUHAMMADIYEVA,
Suxondaryo viloyati, Uzun tumanidagi
3-umumta'lim maktabining ona tili va
adabiyot fani o'qituvchisi

«MEN MAKTABNI BITIRDIM»

Birinchi sinfni tamomlab, yozgi ta'tilda miriqib dam olgan Nodirga onasi dedi:

– O'g'lim, ta'til ham tugay deb qoldi. Hademay yana maktabga borasan-a?

– Bormayman, o'zi o'tgan yili maktabni zo'rg'a bitkazdim-u...

Nodirjon birinchi sinfni tugatib, maktabni ham tamomladim, deb o'ylabdi-da.



«ERTAGA OLIB KETING»

Nodirjon odatiga ko'ra ertalab, bog'chaga bormayman, deya xarxasha qilardi. Kiyimlarini har tomonga otayotgan o'g'lini onasi, muzqaymoq olib beraman, deya bir amallab ko'ndirdi.

– Bo'pti, bog'chaga boraman. Lekin ertaga hammadan birinchi olib ketasiz, – deya shart qo'ydi Nodirjon.

Nodirjon tushlikdan keyin uxlab tursa, erta bo'ladi, deb hisoblar ekan.

Salomat MASHARIPOVA,
Xorazm viloyati, Gurlan tumanidagi 8-maktab o'quvchisi

JUN BOSGAN QOVOQ



Qosimning holiga boq,
Yalqovligidan lavoq.
Xuddi ari chaqqanday,
Uyqudan shishgan qaboq.
Beparvo, beg'amlikdan,
Betlari elpishtovoq.
O'qishda bir sinfni,
Ortga tortgudek qoloq.
Qiziqchi aytganiday,
Go'yo jun bosgan qovoq.

Yo'ldosh SULTONOV,
Andijon viloyati, Shahrixon tumani

RASMLAR

KO'RGAZMASI



Dildora Matyoqubova o'zi tahsil olayotgan Xorazm viloyati, Xonqa tumanidagi 25-umumta'lim maktabida yaxshigina rassom qiz bo'lib tanilib qolgan. Turli mavzularda chizgan rasmlari sinf devoriy



gazetasini ham bezab turibdi.

Dildoraning tahririyatimizga yo'llagan rasmlarini ko'rib, uning tabiat shaydosi ham ekanligini angladik.

Tengdoshingizning ijod namunalari bilan sahifamizdagi «Rasmlar ko'rgazmasi»ni ham bezatdik.

Tarbiyachi opa:
– Bolalar, derazani yopinglar, axir tashqarida yomg'ir yog'yapti-ku...

Bolalar:
– Biz derazani yopsak, yomg'ir tinib qoladimi?..

Amira SHAROPOVA,
Buxoro viloyati, Peshku tumanidagi
30-umumta'lim maktabining
7-«V» sinf o'quvchisi

Makri pand berdi

Ayozzoda shunchaki «puf» degan edi, mushukning tanasiga sanchiq kirib, bir muddat kulchalanib turdi.

– Qayoqqa emakloytuvding, chala yo'lbars? – deb so'radi Ayozzoda.

Gap to'qishga mittiligidanoq usta bo'lgan Mallamosh och qolib, sichqon ovlayotganini aytdi. Hech kimi yo'q yetimcha ekanligi, tashlandiq va qarovsizligi, qirq kundan buyon tuz totmaganini ham qistirib o'tib, turganlarning rahmini keltirishga urindi.

– Yovvoyi mushukman deb meni laqillatmoqchi bo'lyapsanmi, tullaki? –

bo'lib, sovuq nayzalarini beayov sanchiyverishdi.

– Vag'-g', vag'-g'! Voydod! – borliqni boshiga ko'tarib ayyuhannos soldi Mallamosh. – Janob Ayozzoda, shafqat qiling! Bir g'aribga nimaga rahmingiz kelmayapti? Hammaga o'xshab men ham bu dunyoda bir marta yashayman. O'n gulimdan bir gulim ochilmay turib, harom o'lib ketaveramanmi? Bahor kelyapti, hech bo'lmasa, yana bir marta uylanib ko'ray, meniyan orqamda bola-chaqa qolsin. O'tinib so'rayman, o'ldirmang meni. Qulingiz bo'lay, akagingam!

Ayozzoda o'ng qo'lini yuqori ko'tardi. Qoramtir tutunchalar shu daqiqadayoq h a r a k a t d a n to'xtashdi.

Anvar OBIDJON,
O'zbekiston xalq shoiri

qo'ysang bas, shu g'ildirakko'z allaqachon yoningda turgan bo'ladi, – mushukka «xizmat-pizmat»ni yuklashga kirishdi Ayozzoda. – Kezargon Boychechak uydan chiqdi deguncha, Ukki orqali menga xabar yetkazasan. Agar pand bersang, dengizning tubida bo'lsang ham topib, mushukka o'xshagan muzqaymoqqa aylantiraman seni.

– Bunaqa sovuq gaplarning nima keragi bor? – zardalandi Mallamosh. – Qulingizman deganimdan keyin, bo'ldi-da. Hali u shubhani, hali bu shubhani ro'kach qilib qo'rqitaverasizmi?

Ayozzoda muloyim tortdi:

– Boshqa tomoniniyam aytib qo'yay, topshirig'imni qoyillatsang, mo'maygina mukofot olasan.

Mallamoshning yuragi potirlab, mukofotning qanaqa ekanligini



Dilshod RAJAB Buxoro viloyati, Shofirkon tumanida tug'ilgan. Nizomiy nomidagi TDPU filologiya fakultetini tugatgan. Filologiya fanlari nomzodi. «Otamning bog'i», «Daryo ko'ngil», «Jilvon o'g'lioni», «Alifbo», «Sanoq», «Sukut sarhadi», «Poyezdning bolasi» kabi o'nga yaqin she'riy va nasriy kitoblar muallifi. O'zbekiston Yozuvchilar uyushmasi a'zosi. Ayni paytda O'zbekiston Respublikasi Favqulodda vaziyatlar vazirligi «Muhofaza» jurnali, «Vaziyat» gazetasi birlashgan tahririyatida Bosh muharrir o'rinbosari bo'lib ishlaydi.

KEZARGON

deya achchig'landi Ayozzoda. – Yovvoyi mushuklarning badani chandiqqa to'la bo'ladi. Sendaqa yuvnib-taranib yurishmaydi.

Hozir gapni loyqalashtirib o'tiradigan vaziyat emasligini anglagan Mallamosh: «Ha, oxiri meniyan qo'lga o'rgatishdi», deb mung'aydi. Ayozzoda bu o'ramda Oytug'di onadan boshqa hech kim yashamasligini nazarda tutib, piching qildi:

– Oytug'di onaning qo'lini yalab kun ko'raman degin?

– Buniyam to'g'ri topdingiz, janob Ayozzoda, – ming'irladi Mallamosh. – Kallangizda o'n besh qop miya bormi deyman?

– Meni maqtashga urinib, yaxshi ish qilding, – dedi Ayozzoda. – Lekin o'n afsus, yuz afsus, ming afsuski, seni tirik qo'yib yuborolmayman.

Mallamoshning ko'zi qaynab, aybi nimada ekanligini so'ragan edi, Ayozzoda: «Aybing shuki, dushmanlaringa qarash-lisan», dedi va askarlariga yuzlanib, ma'nodor ishora qildi. Qoramtir tutunchalar mushukning ustiga yopirilishdi. Mushuk jon holatda qayonga sakramasin, qoramtir tutunchalar o'sha yoqda paydo

– Oxirgi gapingni yana bir qaytar-chi, – deya mushukka yaqinlashdi Ayozzoda.

Mallamosh: «Jon achchig'ida aytganlarimning qaysi biri esda qolardi», deya dildirab yig'lamsiragan edi, Ayozzodaning: «Balki tuzukroq jiq-jiq qilsak, yodingga tushar», deganini eshitib, mo'ylovi titradi, «Menimcha, qulingiz bo'lay, devordim-ov», deb ko'zini mo'ltiradi.

– Shu so'zlaring rost bo'lsa, menga tirigingcha keraksan, – dedi Ayozzoda.

– Boshingga qilich kelsayam faqat rost gapir, deb ota-onam har kuni tayinlaydi, – boya yetimligini pesh qilganini unutib, aravani quruq olib qochdi mushuk. – Shu vaqtgacha bir tomchi yolg'on ishlatmaganman, bizbop xizmat-pizmat bo'lsa, tortinmay aytavering.

Ayozzoda chetga boqib: «Ho', g'ildirakko'z! Qayoqdasan?» – deb qichqirgan edi, bir Ukki uchib kelib, uning yonidagi butanga qo'ndi.

– Salgina «kuv-v» deb

BOYCHECHAK

surishtirdi. Ayozzoda: «Nimaligini oldindan bilsang, qizig'i qolmaydi», deya uning belini siypaladi. Sovuq qo'l tegishi bilan oq badaniga muz oralagan mushuk sir boy bermay, likillab yaltoqlandi. Erkalatishlarini juda yaxshi ko'rardi u, nima maqsadda erkalatishayotgani uni qiziqitmasdi.



(Davomi bor)

TUT

Mevasini qoqishar,
Novdasini chopishar.
Borliq yashar ko'karib,
U qip-yalang'och, g'arib.
Yashil-yashil barglari
Bo'lar qurtlar yemagi.
Har yil shu bo'lar takror:
Bir boshiga ming ozor.
Mevasini qoqishar,
Novdasini chopishar.
Oh, dunyoga bir kelib
Ketgil bir bora o'lib.
Tutday kesilmagin hech,
Tutday to'kilmagin hech!

**BUG'DOYNING
TAQDIRI**

Maysa edi, ona o'ftob
Boshidan nur to'kardi.
Yuvar edi yomg'irlar goh,
Yellar silab o'tardi.

O'sib kamol topdi durkun,
Rosa pishib yetildi.
Sinovlardan o'tkazmoq-chun
Bir kun olib ketildi:

Avval, avval bilmoq lozim
Chidam-u bardoshini,
Yuritdilar boshidan zil
Tegirmonning toshini.

Endi uning pokligin ham
Bir yekshirmoq kerak-da.
Mayni, oppoq un bo'lsa-da,
O'tkazdilar elakdan.

Suv quyidilar, mushladilar,
Ming bir kuyga soldilar.
Qizib turgan tandirga ham
Bir kirib olidilar.

Non bo'lgach, u sabr qilib
Bor sinov-otashlarga.
E'zoz qilib, ko'zga surtib,
Ko'tardilar boshlarga.

Umr oqar daryo.
Daryo ortga qaytmaganidek,
umr ham chaqmoq chaqqanday o'tib ketadi, go'yo.

Kishi ba'zan ana shu o'tgan har bir on, kunining qadriga yetishni unutgandek bo'ladi. Ammo nimalardir uni esga solib turadi...

Aziz talaba!

Bugun sen so'nggi qo'ng'iroq ovozi eshityapsan. Uning jarangi o'zgacha. Bu sado birgina sen emas, barchaning qalbiga bir karra titroq kiritib o'tdi. Ustozlar senga havas bilan boqadi. Chunki sen mustaqil yurtning erkin qushisan. Ulkan maqsadlarni ko'zlab, kollejni tamomladig. Orzu-istaklaring amalga oshishiga yo'l ochgan qo'ng'iroq sadosidan dilingda quvonch.

– Murg'akkina qalbing yana nimalarni tuydiykin?!

YUZDA TABASSUM-U**KIPRIKLARDA NAM**

«Sevinchdan o'kinchim ko'proq» degandek, ko'zlaring mo'ltirab boqadi, bir nafas jimsan.

Senga tikilaman... Yuzingda

tabassum-u kiprigingda nam. Jarangdor qo'ng'iroq sadosi seni xayolan qaylarga yetaklayapti?! Beg'ubor bolaliging, shodon o'tgan kunlaring, maktabdand

ketib, kasb yo'lida o'qishni davom ettirganing, ilm bulog'idan bahramand etgan ustozlaring haqidagi o'ylar tomon bo'lsa, ajabmas.

Albatta, yanada yuksak cho'qqilarga yetishni ko'zlab, orzu sari intilasan, sening maqsading oliy o'quv dargohida o'qish yoki kasbing yo'lida izlanish.

Aziz bitiruvchi! Sen bugun mutaxassis qatoridasan.

Qaddingni g'oz tut!

Yurt ravnaqi yo'lidagi izlanishlaring, o'qish va xizmatning senga ulkan parvozlar yor bo'lsin!

Senga omad, baxt, iqbol doimo yor bo'lishini tilab yanragan so'nggi qo'ng'iroqni unutm!

Mavluda RAHIMOVA,
Toshkent moliya va iqtisodiyot kolleji o'qituvchisi

11-iyun kuni Yoxanessburgdagi muhtasham «Soker Siti» stadionida futbol muxlislari orziqib kutgan jahon chempionatiga start berildi. Quvonarlisi, mundialning ilk o'yinini hamyurtimiz, keyingi ikki yilda «Osiyoning eng yaxshi hakami» deb topilgan Ravshan Ermatov boshqardi. Dunyo ko'z o'ngida mamlakatimiz iftixoriga aylangan o'zbek o'g'loni mezbonlarni hamda Meksika terma jamoasini maydonga boshlab chiqdi... Bu e'tirof yurtimizda istiqlol yillarida sportni rivojlantirishga qaratilgan e'tiborning yaqqol namunasi, totli mevasi edi.

Lug'atimizda havas degan so'z bor. Bu tuyg'u har bir inson qalbini, ayniqsa, bolajonlarni juda ko'p to'liqlantiradi. Uning ortidan borishga, erishishga harakat qiladilar. Biz tashrif buyurgan dargohda ham, katta bolajonlar talaygina. Ularga tajribali Karen aka Avanesin ustozlik qiladi. Murabbiyning qalbi bolalardek beg'ubor, orzu-havasga to'la bo'lishi kerak. Bizning bu fikrimizga talabchan va qattiqqo'l murabbiy Karen aka nima derkin?!

Bolaligimdan futbol sehri bilan ulg'aydim. Bo'sh qoldim deguncha to'pimni quchoqlab, ko'chaga chopardim. Kechgacha to'p tepishdan sira charchamasdim. O'rta maktabni tugatdim-u, hech ikkilanmay Ozarbay-

layman. Katta futbol bilan xayrlashganimdan so'ng, taqdir taqozosi bilan O'zbekistonga keldim. Oilaliman, ikki o'g'lim bor. Futbolchining futboldan keyingi hayoti



Olovuddin ORIPOV olgan suratlardir

FUTBOL UNING HAYOTI

moqdalar. Ayni damda shogirdlarimning bir nechtasi «Paxtakor» futbol akademiyasining tarbiyalanuvchilardir. Ular bugun xalqaro maydonlarda nimalarga qodir ekanliklarini namoyon etmoqdalar. Chindan-da, Karen Avanesin oddiy murabbiy emas. U futbol bilimdoni, futbol ishqiboz. Futbol uning hayoti!

XUDDI QUSHDEK UCHADI



Islom Sobirjonov 1999-yil 1-sentabrda tug'ilgan. Poytaxtimizning Hamza tumanidagi 112-maktabning 4-sinfini tamomladi. Futbol bilan 6 yoshidan boshlab shug'ullanadi. Ampulasi yarim himoyachi.

Islomjon Karen akaning jajji shogirdi. To'p bilan ishlashga tengdoshlari havasmand. Islomjonni dastlab ko'rganimizda, braziliyalik bolakaylarga ham o'xshatib yubordik. Maydonda xuddi qush kabi uchadi, oyog'iga to'p kelsa, raqiblarini dog'da qoldirib, markazdan to darvozagacha bir o'zi olib boradi. Gol urishni ham qoyillatadi. Qisqasi, Islomjon murabbiy nazariga tushgan bola. Mashg'ulotlarga o'z vaqtida yetib kelishi, tartib va intizomi, murabbiy ko'rsatmalariga jiddiy amal qilishi bois, tengdoshlari orasida umidli futbolchi nomiga erishdi. Yaqinda uning maydondagi tezkorlik va gol urish qobiliyatini sinovdan o'tkazib, «Paxtakor - 99» jamoasiga qabul qilishdi.

YIG'LAB MAYDONGA KELGAN

– Hozir sen besh yoshdasan, hech bo'lmasa oltiga kirgin...
– Qachon oltiga kiraman, ertagami?!..
– Yo'q, bir yildan keyin.
– Bir, mana bitta degani-ku?! Bitta uxlasam bo'ldi, men futbolchi bo'laman, a, dada?
Jajji Mehrojbek kunlar sanab, nihoyat olti yoshga kirdi. Tug'ilgan kuniga kattakon tort va futbol to'pini sovg'a qilishdi. Mehroj tort ham yemay, rosa to'p tepdi. O'rtoqlariga to'p bilan maqtandi. Kechga borib charchoq ustun keldi, Mehrojbek to'pini quchoqlaganicha uxlab qoldi. Ertalab ko'zini ochar-ochmas: «Olti yoshga kirdim, endi meni futbol maktabiga olib boring», deya xarxashasini boshladi. Oyisi yolg'iz o'g'lining futbolchi bo'lishini xohlamasdi. To'p qattiqroq tegib ketsa, joni og'riydi, deya ayardi-da! Dadasi esa o'g'lining qiziqishidan voz kecholdim.
Shunday qilib, olti yoshli bolakayni murabbiy Karen aka Avanesin oldiga olib bordi. Mana ikki yildirki, Mehrojbek Abdusamatov Hamza tumanida joylashgan «TAPOICH» zavodi qoshidagi olimpiya sport sog'lomlashtirish majmuasining mohir hujumchisi bo'lib, maydonda to'p suriyapti.

Lobar UBAYDULLAYEVA




HISOBLAR OSHAR



Kirib keldi yoz,
Bu bizlarga soz.
O'qishlar tamom,
Bu yaxshi in'om.
Oromgohga yo'l,
Bizga kelar qo'l.
To'p tepib tinmay,
Biz parvozga shay.
Hisoblar oshar,
Aqlimiz shoshar.
Marra besh-u besh,
To'plar peshma- pesh.
Tog'larga qildik,
Rosa sayohat,
Do'stlar yoz oyi,
Qanchalar rohat.

Otabek DADAMIRZAYEV, poytaxtdagi 161-maktabning 4-sinf o'quvchisi

CHEMPION BO'LGAN BOLA



Shohsanambegim Dostonbekning opasi. Ukasi-ga bu ismni tanlagan ham shu opasi bo'ladi. Bugungi kunda ismlarning xosiyati borligini bir qator musobaqalarda g'olib bo'lib kelayotgan kichik Dostonbek isbotlab turibdi.

Keling, yaxshisi, tili chiqa boshlagan paytdanoq, men chempion bo'laman, deya yaxshi niyat qilgan bolakay bilan siz ham tanishing:

Dostonbek Yo'ldoshev karatechi bola. U shahar chempioni. Poytaxtimizning Mirzo Ulug'bek tumanidagi NOY «Intelles» bolalar bog'chasiga kelgan kuni tarbiyachi opa: «Karatechi bo'lasanmi?» deb so'rabdi. Aslida begona bolalar orasida qolishni istamayotgan Dostonbek yig'lashga bahona qidirayotgandi. Ammo bog'cha opasining bu gapi unga, chempion bo'lasanmi, degandek eshitildi. Shushu bo'ldi-yu, Dostonbek 2007-yildan buyon shahar musobaqalarida qatnasha boshladi. Ayni damda u shahar chempioni. Maqsadi jahon chempioni bo'lib, otachonasi, opasi Shohsanambegimning ishonchini oqlash.

Gulhayobegim AHMATOVA, Sirg'ali tumanidagi 104-maktab o'quvchisi



Xolidaxon Xolmatovani Toshkent shahridagi 25-musiqa va san'at maktabi o'quvchilari, mehrirdaryo ustoz, deya e'zozlashadi. Uzoq yillardan buyon cholg'u asboblari bo'limida o'quvchilarga soz sehridan saboq berib kelayotgan opa hayotidan mamnun bo'lib:

asrorlarini o'rgatganlar. Birinchi shogirdim Feruza Muslimova Respublika miqyosida o'tkazilgan tanlovda 1-o'rin sohibasi bo'ldi. Keyinchalik iqtidorli o'quvchilirim Yorqin Salimov, Surayyo Qurbonova, Nilufar Aglyamova, Zuhra Badalovanning Muhiddin Qoriyoqubov nomli Respublika ko'rik-tanlovi sovrindorlari bo'lishi mehnatlarim samarasi ekanligidan behad mamnunman. Shuning uchun 478-maktabgacha ta'lim muassasasida «Qaldirg'och» nomli dutorchilar ansamblini tashkil etdim. Texnika davri deb atalayotgan bugungi kunda ham o'zbek bolalari dutor navolarini tinglab ulg'ayishlarini istayman. Chunki ikki tor jarangidan paydo bo'layotgan ohangda bu olamning mo'jizaviy sehri, ajdodlarning bizga bo'lgan cheksiz mehri bor.



MAJNUNTOL

*Baxmal to'n kiyan qirlar
To'nini ko'z-ko'z qilar.
Jilmaydi oftob ham,
Bag'rida olov, sirlar.
Ko'zlarimni yumaman,
Xayollarga cho'maman.
Dunyoga keldim nechun,
Men kimman yo nimaman?
Majnuntol nechun buki,
Kun sochar boshidan nur.
Oq qayin qaddi raso,
Qismatmi bu yo g'urur?!
Ma'no - pok yashamoqdir,
Iymonga o'xshamoqdir.
Bukri tolday kimgadir,
Soyangni to'shamoqdir.
Farida TOSHPOLATOVA*

DUTOR SEHRI



– Men dunyodagi eng baxtiyor ayollardan biriman, – deydi. Chunki ish faoliyatimni bolalarga milliy cholg'u asboblarmizdan biri, dutor chalishni o'rgatishga bag'ishladim. Ustozlik faoliyatimda musiqa bilan shug'ullangan bolalarning mehnatkash, tartibli va mas'uliyatli bo'lishlarini sezdim. Oilamizda san'atkorlar bo'lmasa-da, otamning musiqaga ixlosi baland edi, o'zleri qo'shiq xirgoyi qilishni yaxshi ko'rardilar. 9 yoshimda Hamza nomidagi

3-musiqa maktabiga olib bordilar. U yerda dutor-fortepiano yo'nalishida ta'lim olib, Hamza nomidagi musiqa kollejida o'qishimni davom ettirdim. Musiqa maktabida ustozim Abdumajid aka Abduhakimov, kollejda esa ustoz Sotivoldi aka Karimov menga dutor chalishning sir-

Yulduz ORTIQOVA

Bo'yiga ham, eniga ham 1 dan 6 gacha bo'lgan sonlar takrorlanmasligi shart

6		4	1		2
3	1		2	4	
2	4	3		6	1
1		5		2	6
	2		6	5	3
5	6	2	3		

4	1		2	6	5
3	5	6		2	
6	2		5		1
1	6	5	3	4	2
	4	2	6	1	3
2		1	4		6

UMMONDAN DURLAR

USTOZ-SHOGIRD SUHBATI

Savol: – Ustoz, afsus nima?
Javob: – Foydalanilmagan imkoniyatlar mushohadasi...

Savol: – Ustoz, ayting-chi, aksariyat kishilarda nima yo'q?
Javob: – Sabr yo'q. Chunki buning uchun ularga qanoat yetishmaydi.

Savol: – Ustoz, ayting-chi, ovoz bilan fikr o'rtasida nima bor?
Javob: – His-tuyg'u mujassam...

Savol: – Ustoz, ayting-chi, eng yaqin narsa nima?
Javob: – Ul umr yakunidir...
Savol: – Buni chuqurroq ang-latsangiz!
Javob: – ... Hali ancha yashaymiz, degan taskin ila umrni behuda ishlarga sarflaymiz. Faqat chorasiz qolgan xastalik paytlarda yoxud umrimiz poyonida hali faqir vijdonimiz oldidagi savol-javobga ham tayyor emas-ligimizni anglab yetamiz.

Obiddin MAHMUDOV

SUDOKU

	5	1	6		4
3		6	2	5	
1	2			6	3
4	6		5	1	
	1	4		2	6
6		2	1		5

4	1		2		5
	5	6		2	4
6		4	5	3	
1	6			4	2
5		2	6		3
	3		4	5	



Ota-ona besh yoshli o'g'ilchasi bilan restozanga bo'rishdi. Ovqatlanib bo'lishgach, ona ofitsiantdan so'radi:
– Kechirasiz, stolda qolgan mayda-chuyda yeguliklarni itimizga olib ketsak bo'ladimi?
– Albatta!
Shunda bolakay sakteb qichqirdi:
– U-ze, it sotib olatkanmiz!..
Jayzulla ABDULLAYEV



KO'NGLIMNI YORITDI

Oydin kecha edi, uyg'onib keidim,
Atrofdan sokinlik kezib yurardi.
Muzdek shabbodalar yuzimni silab,
Ma'yus oy termulib xayol surardi.
Yulduzlar osmonni bezardi porlab,
Kuylamogda edi daraxtlar shoxi.
Go'yo samo meni o'ziga chorlab,
Ko'nglimni yoritdi ko'kning nigohi.
Dilshoda ABDULLAYEVA,
Farg'ona viloyati, O'zbekiston tumani



Muassislar:

O'zbekiston Matbuot va axborot agentligi,
O'zbekiston Respublikasi Xalq ta'limi vazirligi,
«KAMOLOT» yoshlar ijtimoiy harakati Markaziy Kengashi,
«SOG'LOM AVLOD UCHUN» hukumatga qarashli bo'lmagan Xalqaro xayriya jamg'armasi.

BOSH MUHARRIR:
To'lqin HAYITOV

Dizaynerlar:
Fazliddin SHOYODGOROV,
Olovuddin ORIPOV
Navbarchilar:
Ma'mura MADRAHIMOVA,
Yusuf ABDULLAYEV

Gazeta
O'zbekiston Matbuot va axborot agentligida
0208-raqam bilan 2007-yil 2-fevralda ro'yxatdan o'tgan.

TAHRIR HAY'ATI:
Avaz MARAHIMOV,
Svetlana INOMOVA,
Qahramon QURANBOYEV,
Odina JAMOLDINOVA,
Jabbor RAZZOQOV,
Murtazo SULTONOV,
Feruza JALILOVA
(Bosh muharrir o'rinbosari),
Feruza ADILOVA
(mas'ul kotib),
Dilmurod RAHMATILLAYEV,
Dilshoda DADAJONOVA

Manzilibimiz:
Toshkent shahri,
Navoiy ko'chasi, 30-uy.
Indeks: 100129.
Obuna indeksi: 198.
e-mail: tong1924@bk.ru
www.tongyulduzi.uz
Tel: 244-27-25, 244-63-08
Tel./faks:
(99871) 244-38-10

«O'zbekiston»
nashriyot-matbaa ijodiy uyida chop etildi.
Haftaning dushanba kuni chiqadi.
Shakli A-3,
2 bosma taboq.
ISSN 2010-6092
Adadi - 69289
Buyurtma N: J 9681